



UNIVERSITÄTS-  
BIBLIOTHEK  
PADERBORN

**Adnotationes || Et Meditationes || In Evangelia Qvae || In  
Sacrosancto Mis-||sae Sacrificio || Toto Anno || Legvntvr;||**

**Nadal, Gerónimo**

**Antuerpiæ, M. D. XCV.**

Iudicium vniuersale.

---

[urn:nbn:de:hbz:466:1-78158](https://nbn-resolving.org/urn:nbn:de:hbz:466:1-78158)

56  
**FERIA SECUNDA POST PRIMAM DOMINICAM QUADRAGESIMÆ.**

Iudicium vniuersale.

MATTH. XXV.

ANNO XXXIII.

In xxvij. imaginem adnotatiuncula.

xxvij.

99.

- |  |  |
|--|--|
| A. <i>IESVS in throno gloriæ sedens iudicium exercet.</i>                  | I. <i>Ministerio Angelorum, &amp; Imperio Christi boni à malis separantur.</i> |
| B. <i>Celi, planete, &amp; stelle longè illustriores quàm antea.</i>       | K. <i>Boni audiunt à Christo. Venite benedicti &amp;c.</i>                     |
| C. <i>Circumstant IESVM omnes Angelorum ordines.</i>                       | L. <i>Mali, ite maledicti.</i>   |
| D. <i>Assidet silio virgo Mater, &amp; suo gradu electi omnes.</i>         | M. <i>Inferni horrendum os apertum damnatos cum Diabolis deuorat.</i>          |
| E. <i>Elementa noua, purissimum &amp; liquidissimum ignis elementum.</i>   |  |
| F. <i>Aëris lucidum, amœnum, pacatissimum, nulla regionum diuersitate.</i> |  |
| G. <i>Aqua purgatissimum, clarum, tranquillum.</i>                         |  |
| H. <i>Terra purum ac simplex, omnibus tum nature, tum</i>                  |  |

**EVANGELIUM MISSÆ.**

MATTH. XXV.

**C**VM autē<sup>a</sup> venerit filius hominis in<sup>b e f g h</sup> maiestate sua, & omnes<sup>c</sup> Angeli cum eo: tunc sedebit<sup>d</sup> super sedem maiestatis suæ, & congregabuntur ante eum omnes gentes, & separabit eos ab inuicē, sicut pastor segregat oves ab hœdis: & statuet oves quidem à dextris suis, hœdos autē à sinistris. Tunc dicet Rex his qui à<sup>e</sup> dextris eius erūt: Venite benedicti patris mei, possidete paratū vobis regnū à constitutione mundi. Esuriui enim, & dedistis mihi manducare: sitiui, & dedistis mihi bibere: hospes eram, & collegistis me: nudus, & operuistis me: infirmus, & visitastis me: in carcere eram, & venistis ad me. Tunc respondebunt ei iusti, dicentes; Domine, quando te vidimus esurientem, & pavimus: sitientem, & dedimus tibi potum? Quando autem te vidimus hospitem, & collegimus te: aut nudum, & cooperuimus te? aut quando te vidimus infirmum, aut in carcere, & venimus ad te? Et respondens Rex dicet illis; Amen dico vobis, quamdiu fecistis vni de his fratribus meis minimis, mihi fecistis. Tunc dicet & his qui à<sup>f</sup> sinistris erunt; Discedite à me maledicti in ignē aternū, qui paratus est Diabolo & Angelis eius. Esuriui enim, & non dedistis mihi manducare: sitiui, & non dedistis mihi potum: hospes erā, & non collegistis me: nudus, & non operuistis me: infirmus, & in carcere, & non visitastis me. Tunc respondebunt ei & ipsi, dicentes; Domine, quādo te vidimus esurientē, aut sitientē, aut hospitem, aut nudum, aut infirmum, aut in carcere; & non ministrauimus tibi? Tunc respondebit illis dicens; Amen dico vobis, quamdiu non fecistis vni de minoribus his, nec mihi fecistis. Et ibunt hi in<sup>g</sup> supplicium aternum: iusti autem in<sup>h</sup> vitam aternam.

ADNO-

## ADNOTATIO.

Prima imago, que prima Dominica Aduentus facta est, ad illa attinet que Iudicium vniuersale proxime precedent: hac ad ea que erunt coniuncta cum ipso Iudicio. Illic venit ad iudicandos viuos & mortuos Christus: hic sedet in Iudicio. Illic mittit Angelos ad ministerium resurrectionis, moriuntur, resurgunt, adducuntur in vallem Iosaphat homines: hic omnes iam resurrexerunt a mortuis, & sunt ante Christum ad thronum maiestatis eius congregati. Illic minantur omnes creature mortalibus, malis praesertim: hic illarum minarum est finis. Exercentur vero iudicium in malos horrendum, in bonos suauissimum. Denique ignis incendio, qui praecedet Christum, totus orbis, & opera eius confla- grasse, & purgata esse omnia intelliguntur; aliud nihil remanere, quam calos, elementa, homines, Demones, hos in Infernum detrudendos, illos iudicandos, vel in vitam aeternam, vel in aeternum ignem.

A. IESVM contemplare in nubibus cali, & throno gloria maiestatis suae sedentem, iudicium exercentem, aperientem libros ubi acta singulorum hominum conscripta erunt. Hac enim omnia sicut palam hominibus omnibus, Angelis, Demonibus. Disceptatio contra malos praecipue agitur: crebunt Demones damnationem, Angelis testimonium contra eos ferent. Christus supra quam dici potest in illos se iratum ostendet, separabuntur a bonis mali, erit teterrima ipsorum calamitas & desperatio. Contra vero bonorum erit diuersa ratio iudicij: benignissime cum ipsis Christusaget, probans eorum benefacta & laudat. Angeli praclarum dabunt testimonium, Demones repellentur: erit speciosissima & iucundissima horum iudicij facies. Tandem, etiam subreuisime, omne est consummandum iudicium: feret sententiam Christus, ut mali in igne eant & supplicium aeternum, in gloriam boni & vitam aeternam: illi cum horrendo Lucifero & eius affectu Demonibus omnibus; hi cum Christo, & Sanctis omnibus, & Angelis eius triumphantes.

B. Cali undecim, septem videlicet Planetarum, octauum stellarum fixarum, nonum mobile primum, decimum crystallinum calum, vltimum empyreum, Regia Dei & Beatorum. Nul- lum quidem calum purgabitur igne conflagrationis, sed tamen omnium augetur splendor vehementer. Sol enim septuplo erit clarior, id est longe quam antea vquam splendidior: sua inde proportione Luna, & planetae alij; omnes stellae

erunt fulgentiores. Accedet gloriosum lumen celo empyreo a corpore Christi & virginis Mariae, paulo post etiam Beatorum. Erit enim celum plane dignitate, & gloria, & splendore nouum.

C. Circumstant Christum Seraphim superne ad latera Cherubim, sub pedibus Throni, aliorum ordinum Angeli alij assistunt, alij subserviunt Iudicij actioni.

D. Assidet Christo Ioannes Baptista, & Apostoli, & omnes qui propter regnum caelorum perfectionem vitae, & consilia Christi sectati fuerint. Hi enim sedebunt quasi Iudices assessores cum ingenti honore. Supra omnes assidebit Iudici filio, Iudex ipsa primaria virgo mater Maria.

E. Ignis elementum, non iam minax ut antea, sed igne etiam conflagrationis purgatum, splendidius, placida flammis vibrans quietissime.

F. Aer lucidus, amarus, pacatissimus, nulla diuisus regionum diuersitate, absque omni volueri.

G. Aqua elementum ut vitrum purgati- simum, clarum, tranquillum, sine piscibus.

H. Terra crystalli- sima, saxi, arboribus, & herbis omnibus, & virgultis nudata, omni metallo leuata, omni viuento liberata, nondum tamen hominibus. Terra enim, & eius omnia opera igne excurda sunt: existet vero ipsa pura, nitida, quasi exultans, ut ab omni corruptione libera.

I. Vide Angelorum ministerio, ex Imperio Christi IESV separari bonos a malis: illos rapti in aera ad dexteram Christi: alios detrudi in igne paratum, ubi iam ardebunt Demones omnes.

K. Illi audiunt: Venite benedicti Patris mei, possidete paratum vobis Regnum a constitutione mundi. Contra hi, Ite maledicti in ignem aeternum.

L. Terra apertum os horrendum, ingens, tartarus hians ignem & tenebras eructat: coniunguntur vero inferni flammis cum igne conflagrationis. Hic est omni spurcitia, & excrementis orbis purgatione contractis contaminatus & horrendus. In hunc ignem & baratrum conijciuntur Demones primum, deinde mali homines. Ignem praeterea considera cum damnatis hominibus & Demonibus, in centrum terra, & locum Inferni proprium praecipitandum, claudendam terram. Illic absque ulla vel Dei, vel

I Sanctorum,

*Sanctorum, vel Angelorum misericordia, ab-  
lata omni spe venie, in eternum cruciados cum  
teterimis Dæmonibus infelicissimos homines.*

*M. Simul illud considerandum, quemad-  
modum peracto omni iudicio, ad celum cum Ma-  
tre Maria Virgine, cum Angelis & Sanctis  
omnibus, gloriosissimo triumpho, ascendat Chri-  
stus IESVS, regnaturus cum Patre & Spiritu*

*sancto in secula seculorum. Nec creatum aliud  
quicquam tandem remanebit, quam Infernus  
cum Diabolis & damnatis hominibus: Limbus  
puerorum, assumptis ex resurrectione corpori-  
bus ( ad quos nihil plane eorum que diximus per-  
tinebit: ) quatuor elementa, Celi, Angeli, & beati  
homines, paradisi celestis.*

## MEDITATIO.

**V**tilem in primis viam mortalibus Deus  
proposuit ad salutem fratres, hinc meriti,  
inde spem; vt ille ad hanc nos propellat, &  
quod acrior metus sit, eò vehementius ad spem,  
& virtutis amorem & exercitium compella-  
mur. En vobis, fratres, ostendit antea Deus  
signa horrenda, quæ præcedent iudiciū vni-  
uersale orbis terrarum; nunc ita conterritos,  
& in angustias extremas compulsos mortales  
statuit ante Iudicem Christum, Deum om-  
nipotentem, iratum. Vbi apparere audebis o  
homo, etiam si nil tibi conscius fueris, si ta-  
men non fueris? Vbi verò qui malitia & vitijs  
erunt contaminati? Cælum hinc erit aper-  
tum, illinc Infernus: è Cælo gloria sempiter-  
na lætam futurorum bonorum significatio-  
nem exhibebit, Inferni os immane, horren-  
dum, conspicietur apertum, flammæ cruci-  
as tartareas. Quid hinc facies o homo? sum-  
mum putabas præcedentem terrorem eorum quæ  
vidisti veniente Christo ad iudicium; at lon-  
gè hinc est maior, quem incutiet Christus ex  
throno maiestatis suæ. Illi terrores erant  
nuncijs huius horrèdi & extremi iudicij. Illic  
creaturæ minantur, Creator etiam ipse, nihil  
tamen adhuc aliud quàm iratus commina-  
tur: hinc verò furore suo excandescens, nec  
tantum minantem conspiciamus Creatorem  
ipsum filium Dei omnipotentis, Deum ip-  
sum omnipotentem, & coæternum Patri, sed  
etiam separantem iam bonos à malis, & fe-  
rentem extremi iudicij perpetuam senten-  
tiam, vt illi in Paradisum eant, hi in æternum  
Inferni ignem cum teterimis Dæmonibus

contrudantur. Si credis hæc, vt credis, conten-  
de vt ne fiat fides tua speculatiua solum; quod  
non est, nec esse debet: ex qua scilicet nihil  
moueat cor tuum, nihil sensus tui interio-  
res, nihil spiritus, sed adnitere vt practica sit  
fides, qualis est, & esse omnibus debet, vt his  
rebus repræsentatis & creditis, mouearis acri-  
ter ad timorem primum, etiam seruilem, qui  
vtilis esse & solet & potest, inde in spem erigaris,  
vnde ad charitatem progressum facias, & san-  
ctum Dei timorem. Cor tuum ardeat amore  
in Deum & proximum, sensus interiores in-  
renti sint ad gloriam electis repræsentatam,  
ad eam te recipias, ad Christum, ad Sancto-  
rum in aëra societatem te aggredes, vt Spiri-  
tus Christi IESV bonitate & misericordia  
fruat in iucunditate Dei. Magnam verò  
existimate fratres confusionem, & animæ de-  
trimentum, si ad hæc Dei iudicia per socor-  
diã non timeatis: ita enim reputabimini Dæ-  
monibus ipsis esse in hac parte stupidiore. Hi  
enim credunt & contremiscunt, nec portant  
aduersum se execrabile iudicium: mouentur  
tamen, non ad salutem, sed ad desperationem  
& impatientiam, & Dei blasphemiam, & eius  
iustitiæ detestationem. At nos cõtrà, vbi tem-  
pus habemus, vbi clausa nobis non est ianua  
(vt Diabolo & asseclis eius) ad tantam salutem  
& perfectionem animarum nostrarum, quæ  
nobis per hæc mysteria & terrores Dei offer-  
tur, per timorem, per spem, per charitatem,  
per bona & sancta opera festinemus ad me-  
liora continenter, & ad perfectiora conten-  
damus in Christo IESV Domino nostro.

FERIA